

RESUL BEDO

BIBLIOTEKA
SHTETIT

85H-31

B 36



GJURME TE NDEZURA

ROMAN


RESUL
BEDO

854-31

B 36

GJURMË
TË NDEZURA

ROMAN



SHTËPIA BOTUESE «NAIM FRASHËRI»

Në çdo hap që hedhim shkelim në gjurmët tona, na del përpara një gérxh, lugine apo pllajë; vështrimi ynë ndesh në vende të njo-hura. Përmendim emra të shokëve që ranë në luftime, mbledhim krisma të armëve dhe këngët e tyre. Na qëndrojnë këto ditë më pranë shokët e rënë, sofra kosovare... votra kosovare dhe jehona e ditëve me luftime.

Kujtojmë... Gjithnjë kujtojmë... Ato që jetuan dje, në luftë, pleksen në një të vetme me mbresat e këtyre ditëve.

Ecim mbas krismave të pushkëve tona, në gjurmët e gjakut tonë.

Lugina midis vargëzimeve të maleve, përmes së cilës brigada jonë duhet të kalojë në veri të lumenit Drin, ishte e zënë. Armiq të shumtë e të egër qëndrojnë nëpër

shtigje. Me këto radhë nisin shënimet e mia ngajeta në luftë. Në faqet e para të ditarit shkruaj:

«... Diçka që pritej. Afrimi i brigadës partizane u prit në luginën e Drinit të Zi me rropama të çjerra daullesh dhe klithma zérash të ngjirur, plot frikë e panik, që shpërndahen nga kulla e bajraktarit:

«Bjeruni daulleve!»

«T'u pritet turri komunistave!»

«Merrni në shenjë komunistat!»

Populli vërtet u ra daulleve, por jo sepse cirret bajraktari. Ai lajmëron: «Çohuni, burra! Erdhën brigadat partizane!»

Ditë me kisma... Ditë me alarme! Jehojnë shpateve krismat e pushkëve, të bombave e të mitralozave.

Hap e kismë.

Në luginën e Drinit të Zi duel thirrjesh, duel kris-mash, duel gjëmimesh! Ato s'pushojnë, ditë e natë. Duke çarë përmes vijave të luftës, luftëtarët e brigadës shkojnë nga kulla në kullë, çojnë në to zërin e Partisë, i bëhet thirrje popullit të ngrihet në këmbë për t'i bërë varrin armikut.

Malësorët në frëngjité e kullave nxjerrin në përgjim grykëhollén.¹⁾ Armiku e ka keq.

Një top goditi shtigjet e maleve... Telefoni rrahu nga Prizreni, kërkonin kolonelin e divisionit të esesëve. Një radio kërkon të hyjë në lidhje me shtabin e Bazit të Canit. Topi heshti. Kapiteni hitlerian u largua nga pozicionet. Një kapiten anglez që kishte ardhur ato ditë në kullat e bajraktarit iku me ngut, u zhduk si hije për të mos rënë në duart e partizanëve. Edhe Cen Gozhita që ishte thirrur në takim me kapitenin anglez nuk arriti dot në kullat e bajraktarit. Sulmi partizan e ktheu pas.

I mbytur në dëshpërim majori Cen Gozhita bëri një ikje të shpejtë. Ajo që ndodhi për Cenin ishte e papritur. Ai erdhi nga Prizreni me shpresën e madhe se në kohën e duhur, kur po mbytej varka, i qe dhënë mundësia të kapte vegëzën ku duhej të mbahej për të mos u mbytur.

1) pushkën

Aty në kullën e bajraktarit ishte thirrur në takim me kapitenin anglez. Nuk e takoi. Endrra iu ndërprenë mes. «Më mirë të kthehem në vendin ku isha», — tha me vete. Dhe vrapi i në drejtim të Prizrenit, aty ku ishin struktur në pozicionë esesët e divisionit «Brandenburg». Ekte me vështrimin mbrapa, te kulla mbi shkëmb. Aty bëhej një luftim i ashpër. «Me siguri që ka ikur inglizi», — tha Ceni. «Ku dreqin e thyen qafën?» Gjahu i kishte shpëtuar nga duart, qortoi veten që nuk u nis nga Prizreni natën, u ishte trembur pritave. Dhe tani s'mund të bënte asgjë, veç të rrudhët ballin dhe të pinte duhan duke menduar si të fshihtë më mirë gjurmët e lëvizjes së tij nga Prizreni në Kukës. Nuk do ta kishte të lehtë në qoftë se kolonel Vilenbergu do ta mësonte të vërtetën. Iu duk se kishte hedhur një hap të pamatur. Sa mori lajmin që e kërkonte një kapiten i misioneve angleze, vrap në takim. Do të mundohej ta fshihtë çdo gjurmë dyshimi. Herë mbas here hidhët vështrimin prapa, aty te shkëmbi ku mendoi se gjeti shpresën e shpëtimit. Një zjarr përvëlues afrohej asaj ane. «Ec më shpejt», — i tha shoferit sapo zbriti në xhade. Atëkohë, mbrapa te «kulla e Shpresës», në themelin e sarajit të bajraktarit, ndihej lëkundja e tërmëtit. Marshimi i partizanëve dhe urrejtja e popullit bajraktarit i ngajnjë si një litar i hedhur në fyt, që nga çasti në çast i shtrëngonte. Nga kulla e tij e zymtë gjithë zemërim ai cirret:

«Kjo s'ka me ndodhë! Kjo s'ka me ndodhë! Bjeruni daulleve!»

Po sulmi i brigadës partizane s'po ndalej.



Dy ditë më vonë, mbas luftimeve që zhvilluan në afërsi të Kukësit me një repart të esesëve të divisionit «Brandenburg», batalioni ynë u grumbullua në shpatin e lartë të malit.

— Këtu do të pushojmë, — na tha Dardani, komandan-
ti i kompanisë. Nga luginat vijnë kompani të tjera. Ato
vijnë nga pritat në xhade. Buzë Drinit u bë një përlesh-
je e ashpër.

Komandanti i kompanisë, Dardan Velishta, me një zë
basi, që e veçon atë në gjithë brigadën, përgëzoi skuad-
rën tonë, se në pritën që zumë hyri si e verbër një ve-
turë me oficerë nazistë, dhe asnjëri prej tyre nuk na
shpëtoi.

— Merre, — e ke kujtim nga shokët e skuadrës, — i
tha Lulo Driza dhe i dhuroi Dardanit një «Valter» frin-
go të ri.

Dardan Velishta ka qenë komandant i skuadrës sonë,
shpesh ai qëndron me ne, i pëlqen të jetë në sulm me
skuadrën tonë. Edhe neve na vjen mirë ta kemi në skua-
dër. Në vend të Dardanit komandante e skuadrës u vu
Bukuria. Në fillim u pëshpërit: «Për guxim e trimëri
vështirë se mund t'i afrohet kush Dardanit...» Bukuria i
miratonte me kokë. Breshëritë e automatikut të saj në vi-
jën e parë të sulmit shuan çdo pëshpëritje.

Dardani, i ngazëller për «Valterin» e ri që i dhuru-
an, ende deshi të qëndronte, por e thirri në mbledhje ko-
mandanti i brigadës, Sopot Golemi. Iku duke na përshën-
detur. U mblodhëm të gjithë. Secili tregoi diçka nga për-
leshjet e fundit me armikun. Uria po na gërryente stoma-
kun. Është dita e dytë që nuk e kemi parë Vaso Lundrën,
intendentin e kompanisë, dhe s'guxojmë t'u afrohemë bu-
rimeve të ftohta të bjeshkës. Lulo Driza drodhë një ciga-
re dhe ua kaloi kutinë e duhanit të tjerëve. Xha Goxhoja
i ra masatit — eshka mori që me shkëndijën e parë — ty-
mosi cigaren dhe filloi bisedën. Skuadra jonë, ose siç i
thonë skuadra e Bukurie Çabirit, formon një rrëth. Jemi
të veshur me uniforma nga më të ndryshmet, gjë që tre-
gon mundin që kërkohet për t'u veshur e mbathur një
brigadë partizane. Dino Çinoja mban një kostum në ngjy-
rë të barit, pak të vjetër. Një vit më parë ua ka rrëmbyer
ushtarëve italianë në Drashovicë. Bukurie Çabiri ka kë-
pucë me qafa të ushtarëve, çorape prej leshi që i shkojnë
gjer te gjunjët, pantallona killota dhe bluzë të shkurtër të

mbërthyer te mesi. Goxho Bërdëllima ende mbante kostumin karakteristik të fshatit prej shajaku të zi, me kallca të bardha, opinga llastiku dhe vetëm kapelën e ka me strehë të shtrirë përpara ballit. Lulo Drizën, mitralierin e skuadrës, në luftimin e fundit në breg të Drinit pér pak e vranë shokët, sepse është veshur me uniformë ushtari eses. Mero Buresi mban veshjen e një ushtari tej deteve që ra në duart tonë kur u përplas në shkëmb një aeroplani. Kurse Vaso Lundra i ka mbështjellë këmbët me do-lakë ushtari e i duken si këmbë lejleku. Ai u duk në pllajën përballë. E njohëm në të ecur. Kalin e bardhë e ka vënë përpara. Ai ecën ngadalë, si duket është ngarkuar rëndë. Çfarë ka në shpinë! Bukë apo predha! Të dyja na duhen.

Intendent i kompanisë erdhi drejt nesh i gjëzuar, duke recitar vargjet e një kënge të njohur pér kompaninë.

*Asgjë nuk duam, nukë,
veç plumbë dhe pak bukë!*

— Ku je, o Vaso Lundra, — i thirrëm ne, — se gjerdanët na kanë mbetur bosh dhe stomaku po na gërryen!

— Hajde, djem, shpejtoni! Skuadra e parë tri bukë të verdha dhe katër të bardha, mjafit i keni... Ej, ku jeni ju të skuadrës së dytë? — U afrova unë. — Jeni dy më pak ju nga e para, — më tha. — Kështu, shoku gazetar!? Hë de, rrëmbei, ç'pret? — Vasos i pëlqejnë shkrimet e mia që botoj në revistën e brigadës dhe i lexon me dëshirë.

— E treta një si e para... Në rregull!!! Ç'm'i peshoni ashtu në duar?

Mbasi mbaroi ashtu i kënaqur siç kënaqej ai në raste të tilla, nuk harroi të na thotë: «Ju bëftë mirë e gjemb në këmbë të mos ju hyjë! Hani, vëllezër....» Dhe porositi: «Kurseni fishekët, se bukë, kripë e zemër gjejmë kudo...»

Në shpatin e malit të lartë u ndez kënga e vallja. I pari ia nisi Goxho Bërdëllima. Ne të tjerët u mblohdhëm rrëth tij, mbajmë iso. Xha Goxhoja, si e pa që na rrëmbeu mirë kënga, e ngriti më lart zërin. Kënga vuri në një rrëth gjithë shokët e skuadrës. U gru-

mbulluan edhe partizanë të tjerë. Goxho Bërdëllima u gjallërua dhe më tepër.

— Iso, djem, iso për këngën dhe plumbë për armikun, — tha ai. U ngrit në këmbë sikur të ishte djalë, lartoi supet, lartoi zérin dhe këngën e ktheu në valle.

Mbas këngës erdhi te ne Dardan Velishta. Erdhi rrëmbyeshëm.

— Shotë! — i foli Bukuries dhe iu ndezën bebëzat e syve. Bukuria u bë gjak e kuqe në fytyrë. Ishte një mungesë takti, i kryer më tepër nga dehja e urdhrit që u dha për të vepruar brigada në Kosovë.

— Ej, Agim, ku je bre?! — U lëshua drejt meje. E bëri këtë edhe ngaqë jemi shokë të vjetër, por edhe për të larguar përshtypjen që la ndër të tjerët ai veprimi i pamatur me Bukurien. Më rrëmbeu midis krahëve.

— Ngadalë, se më shtrydhe, — i thashë. Mjerë kush bie në duart e tua si darë çeliku.

Jemi shokë të vjetër. Bashkë kemi punuar një kohë të gjatë, në një barkë peshkimi, bashkë dolëm partizanë në çetë dhe në brigadë. Nga gëzimi s'më lëshon. Endrra për ta parë Kosovën të lirë e ka rrëmbyer.

— Erdhi dita që ëndërronit, — i thashë. Ai shpesh më thoshte: «Kam déshirë ta djeg barutin në vendlindjen time». Pastaj e pyeta:

— Ku është Batini yt?

— Batini? — murmuriti, ndërsa sytë i lodruan nga gëzimi, balli iu çel. Nuk e priste pyetjen që i bëra. — Batini... Batini..., — belbëzoi si një fëmijë në fillim, kur mëson fjalën së pari herë. E hodhi vështrimin te mal i lartë përtëj Drinit të Bardhë. Mundohet të më shpjegojë: «E shëh atë pyllin e zi, ato rüdinat që duken, i sheh?... Po ato... Mbas malit janë fshatrat. Aty është fshati im, Batini. Aty Agim, aty...

— Je malluar?

— S'di si të të them, kam vite që jam larguar, s'më zë vendi vend. Më në fund erdhi dita që prisja.

Vështrimi i luftëtarëve hidhet andej, përpara.

Përpara shtrihet Kosova. Kosova pret agimin...

Kosova! Një ndjenjë krenarie ka rrëmbyer secilin

prej nesh. E gjithë brigada ecën në kolona. Një ndjenjë e fuqishme na shtyn përpara, ndjenja e fitores mbi armiqtë, ndjenja e lirisë.

Kosova! Historia duke filluar nga lashtësia dëshmon për heroizmat e panumiërt të saj për t'u mbrojtur nga armiqtë e huaj, ashtu siç dëshmon historia e gjithë kombit tonë.

A mund t'ia nis revistës së brigadës kështu një shkrim të gjatë për kosovarin Dardan Velishta dhe shokët e tij?

II

Grupi ynë me ish-luftëtarë të brigadës partizane erdhë në fshatin Bjeshkëz të Prizrenit në ditën e katërt të tetorit, gjë që na kujtoi atë ditë që brigada jonë kapërciu malin e lartë dhe sulmoi në drejtim të qytetit.

Ngjarjet e asaj kohe kthehen në kujtesën tonë mbas shumë vjetësh. Ato vijnë të forta, plot emocione, me mbinarkesë. Skifter Velçës, burrit me thinja, sapo arritëm në malin mbi Prizren, iu rrudh balli, iu gjallëruan sytë, si atëherë në ditët me sulme e krisma. Dukej më i ri në vështrim dhe në lëvizje. Më vuri dorën e tij të rëndë mbi supe e më tha:

— Dëgjo, Agim! Ky shtegu i Gurit të Çarë është i rrezikshëm. Të kujtohet Perikliu? Këtu u vra.

— Lufta ka plot të papritura, — thashë unë. — Njëri nga shoqëruesit nuk e di shqipen mirë, prandaj fjalën «të papritura» ai nuk e shqiptoi dot.

— Ai u varros këtu dhe këtu do të kërkojmë, — ngu-